

UZBEKISTON
FEDERAL VAST

Ҳақсевар, она юрт, мангу бўл обод!

ТОШКЕНТ ҲАҚИҚАТИ

Вилоят ижтимоий-сиёсий газетаси ♦ TOSHKENT HAQIQATI

1928 йил 11 декабрда асос солинган • 2004 йил 3 январь, шанба • №1 (11.596) • Эркин нарҳда сотилади

АССАЛОМ, МЕҲР ВА МУРУВВАТ ЙИЛИ!

Янги йилга қадам қўйдик. Бугун унинг руҳи, унинг олий мақсади билан яшамокдамиз. Бу руҳ, бу мақсад мамлакатимиз раҳбари томонидан аниқ-равшан белгилаб берилди. Халқимизнинг азалий миллий фазилатлари — ўзаро меҳр-мурувват кўрсатиш Ўзбекистон бўйлаб янги кўлам билан намоён бўла бошлади.

Бугундан бошлаб кўлингиздаги «Тошкент ҳақиқати» газетаси тўққиз мингга яқин хонадонга, ташкилот, хўжалик ва муассасага кириб боради. Биз — таҳририят аъзолари унинг ҳар бир сони вилоятимиз ижтимоий-сиёсий ҳаётини, ислохотлар жараёнларини, эришилаётган натижаларни тобора тўла қамраб олиши, мавжуд муаммоларнинг бартараф этилишини тўлақонли ёритиб бориш ниятидамиз. Азиз газетхон, «Тошкент ҳақиқати» Сизнинг ёрдамингизда мазмунан бойиб бориши учун тинмай изланиш — асосий мақсадимиздир.

Биз Янги йилимизни Меҳр ва мурувват йили деб атадик, бу йил ногиронларни, қаровчиси йўқ кексаларни, кам таъминланган оила фарзандларини, ёрдамга муҳтожларни моддий ва маънавий қўллаб-қувватлашни, уларда ўзларини халқимизнинг буюк мақсадларига дахлдорлик туйғусини кучайтириш, бағрикенглик, саховатпешалик, меҳр-оқибатлилик фазилатларимизни яна бир бор намоён этишни ният қилдик.

Мана ўн учинчи йилки, янгиланаётган жамиятимиз, давлатимиз шу йўлда ҳаракат қилиб, аҳолининг кам таъминланган қатламлари турмушини моддий жиҳатдан қўллаб-қувватлаб келмоқда. Мустақилликнинг дастлабки босқичида аҳолини ижтимоий ҳимоялаш, устувор йўналиш деб эълон қилинди. Ўтаётган йилларимизга Юртбошимиз ташаббуси билан берилётган таърифлар, шу асосда ишлаб чиқиб, амалга оширилаётган дастурлар бунинг ёрқин тимсолидир.

Ўзбекистон Республикаси Конституциясининг ўн бир йиллигига бағишланган тантанали йиғилишда Президентимиз юртимизда олиб борилаётган барча савобли ишларимизга, эзгу интилишларимизга бутун жамоатчиликнинг эътиборини қаратиш, куч ва имкониятларни сафарбар этиш мақсадида 2004 йилни Меҳр ва мурувват йили деб эълон қилиш таклифини илгари сурди.

Юртбошимизнинг бу таклифлари 2004 йил мобайнида амалга ошириладиган кўламли саъй-ҳаракатларимиз моҳиятини белгилаб беради. Агар ўтган йили мамлакатимизда 1 миллиард 200 миллион сўмлик хайрия ёрдами амалга оширилган, кам таъминланган оилаларга 4 миллиард сўм миқдорда моддий ёрдам кўрсатилганлигини ҳисобга олсак, бу саъй-ҳаракатларнинг бошланаётган йилдаги миқёслари яққол намоён бўлади. Улар шу кунларда ҳар бир шаҳар ва туманда, овул, қишлоқ ва шаҳарчада тегишли идоралар, жамоат ташкилотлари ишлаб чиқаётган ҳаракат дастурларида яна ҳам ривожлантирилиб, янги қирралари билан намоён этилиб, режалаштирилмоқда. Шу кунларда вилоятимизда ҳам махсус комиссия «Меҳр ва мурувват йили» дастурини ишлаб чиқмоқда. Унга «Обод маҳалла йили»да бошланган эзгу ишларни изчил давом эттириш қондаси асос қилиб олинапти. Дастур ижтимоий-иқтисодий, сиёсий-ҳуқуқий, маънавий ҳамда ташкилий чора-тадбирлар мажмуини ўз ичига олиши кўзда тутилган.

Янги йилнинг ҳаракат дастурида белгиланаётган тадбирлар жамиятимизда аҳиллик, меҳр-оқибатлилик, миллатлараро дўстлик ва фуқаролараро тотувлик, баҳамжихатликни кучайтиришга хизмат қилиши шубҳасиз. Халқимизнинг эзгу, саховатпешалик туйғулари ва фазилатларини ўсиб келаётган авлод, мамлакатимизда истиқомат қилаётган ҳар бир миллат ва элат фарзандлари қалбига сингдириш бу йилги маънавий-маърифий ишларимизнинг негизини ташкил этиши керак. Маҳаллий ҳокимликлар, давлат ва ўзини ўзи бошқариш идоралари, жамғармалар ҳамда бошқа жамоат ташкилотлари асосий эътиборни ана шу масалаларга қаратишлари давр тақозосидир.

Биз ижтимоий йўналтирилган бозор муносабатларини ҳаётимизда тобора чуқур қарор топтираётимиз. Янги йилнинг мақсад ва вазибалари, ҳеч истисносиз, бу жараённи яна ҳам чуқурлаштириш ҳамда кенгайтиришга хизмат қилади. Бу саъй-ҳаракатлар демократик давлат ва фуқаролик жамияти барпо этишдан иборат пировард мақсадимизни яқинлаштиради, мамлакатимиз буюк келажаги сари йўлимизни равонлаштиради, шу йўлдаги интилишларимизга янада жўшқинлик ва самарадорлик бағишлайди.

Шу боис, ҳар биримиз бу йилга яхши ният, аниқ мақсад билан қадам қўйиб: «Ассалом, 2004 йил!», «Ассалом, Меҳр ва мурувват йили!» демоқдамиз.

Жўрабек МУРОДОВ.



ТУҲҒА

Янги йил арафасида Паркент туманида бир неча янги иншоотлар фойдаланишга топширилди

Паркент азалдан кўли гул, миришкор деҳқону боғбонлар юрти саналади. Мустақиллик йилларида эса, туманда бунёдкорлик, яратувчилик ишларини ривожлантиришга алоҳида эътибор берилди.

Бу ерда бир қатор маданий-маиший иншоотлар қурилиб, халқ хизматида топширилди. Гузарлар, қишлоқ шифокорлик пунктлари, милиция таянч пунктлари, мактаблар ва ҳоказолар шулар жумласидандир. Илгари ҳабар қилганимиз-

дек, янги 2004 йил арафасида ҳам туманда бир қатор объектлар фойдаланишга топширилди.

Хусусан, Чанги қишлоғида 560 ўринга мўлжалланган янги мактаб биносининг очилиши ўқувчиларни қувонтириб юборди.

— Мактабнинг қурилишида бир қатор ташкилотлар баҳоли кудрат иштирок этишди, — дейди туман халқ таълими

(Давоми 2-бетда).



СУРАТЛАРДА: мактабнинг очилиш тадбиридан лавҳалар. Еркебой БОТИРОВ олган суратлар.

МАРАФОН — ХАЙРЛИ МАҚСАДГА

Чирчиқ шаҳар ҳокимлиги хотин-қизлар қўмитаси ва «Болалар» жамғармаси шаҳар бўлими ҳамкорлигида хайрия марафони ўтказди.

Унда шаҳардаги ишлаб чиқариш корхоналари, жамоат ва бошқа бир қатор ташкилотлар иштирок этдилар.

Хусусан, шаҳардаги «Келажак авлод учун» хайрия жамғармаси 100 нафар кам таъминланган оилалар фарзандлари ва етим болаларга 15 минг сўмлик ҳисоб рақамларини очган бўлса, «Чирчиқгаз», «ЧирКом» корхоналари ҳам 100 минг сўмдан маблағ ўтказишган эди.

Шу кунни шаҳар «Болалар» жамғармаси ҳисобига жами 3 миллион сўм маблағ тушди. Марафонда, шунингдек, 300 нафар болаларга кийим бош ва озиқ-овқатлардан иборат совғалар ҳамда 8та ногиронлик аравачалари топширилди.

ДЎРМОН БОҒИДАГИ ДАСТУРХОН

Қибрай тумани ҳокимлиги ногиронлар ва «Опа-сингиллар» жамиятлари туман бўлимлари билан ҳамкорликда тадбир уюштирди.

Маҳаллалардан ташриф буюрган 300га яқин ногиронлар учун Дўрмон боғида дастурхон ёзилди. 10 нафар ногиронга эса, аравачалар топширилди. Тадбирни самарали ўтказишда «Истиқлол», «Байтқўрғон», «Лимончилик», «Дўрмон» ширкат хўжаликлари ва туман маданият уйининг ҳиссаси салмоқли бўлди.

Муҳаммад СУННАТОВ.

ТЕЗЮРАРНИНГ ИЛК САФАРИ

Марказий Осиёдаги дастлабки тезюар йўловчи поездеи Меҳр ва мурувват йили арафасида илк бор Тошкентдан Самарқандга бориб қайтди.

Хитойдаги Чжучжоу заводиди тайёрланган ўта тезюар электровоз ёрдамида ҳаракатланувчи мажур поезд кўхна ўтмиш обидалари шахригача бўлган 220 километрлик масофани атиги уч ярим соатда босиб ўтди. Бундай йўл учун собиқ «тезюар»лар бир ярим соат кўпроқ вақт сарфлаган бўларди.

«Ўзбекистон темир йўллари» давлат акциядорлик компанияси томонидан мажур сафар учун ҳозирланган олти вагонга ушбу йўл қурув-

чилари, фахрий темирйўлчилар, журналистлар ва одатдагидек чипта олиб, тарихий воқеа қатнашчиларига айланаётганларидан беҳабар йўловчилар жойлашдилар. Уларнинг бари янги қулайликлар ҳамда кўрсатилаётган хизмат даражасидан лол қолишди. Ахир, енгил металлдан ясалган, ҳар бири ўзининг алоҳида электростанцияси ва мустақил иситиш мажмуига эга бу вагонларнинг олти кишилиқ купеларига иккитадан телевизор ўрнатилган; «ЎздЭУавто» заводиди ясалган ўриндиқлар эса, ўта қулай эди-да. Эшикларнинг ойнавандлигини айтмайсизми.

Темирйўлчилар бундай поездлар сонини ошириш ниятидалар.

Ўз мухбиримиз.

«ТОШКЕНТ ҲАҚИҚАТИ» — СИЗНИНГ ГАЗЕТАНГИЗ!
Обуна бўлдингизми? Эслатиб ўтамыз: бизнинг индекс — 205.

Янги йил — Индонезия билан!

МЎЪЖИЗАЛАР КЕЧАСИ

Тошкентдаги «Буми» меҳмонхонаси анжуманлар залида чоршанба оқшоми интиқлик ва мўъжиза, ҳаяжон ва қувонч туйғулари омикта бўлиб кетди. Индонезиянинг Ўзбекистондаги элчиси Хасим Сале мўъжаз саватчадаги рақамланган қоғозлардан бирини қўлига олди. Учинчи рақам. Бир бахтиёр инсон аниқланди. Навбатдаги ғолиб ким бўлади? Омад яна кимларга кулиб боқади?

Бу каби саволларга олдиндан жавоб бериш қийин, албатта. Чунки, танлов финалига чиққан 35 кишидан 16 ғолиб аниқлаб олиниши керак...

Утган йилнинг энг қизик танловларидан бири — «Янги йил — Индонезия билан!» танлови шундай яқунланди. У Индонезия элчихонаси, «Тошкент ҳақиқати» ва «Ташкентская правда» газеталари, «Орият Доно» ва «Орият FM» радиостанциялари ҳамда Ўзбекистон Қизил Ярим Ой Миллий жамияти ҳамкорлигида ташкил этилди. Уч ой илгари газетамизда ва радиостанциянинг сайтида Индонезия тарихи, маданияти, иқтисодиётига оид саволлар эълон қилинган эди. Тўғри, саволлар унчалик мураккаб эмас, лекин, билим ёхуд кутубхоналар ва Интернет орқали қизгин изланишни тақозо этарди. Буни қарангки, саволларга 300 дан ортиқ жавоб олинди. Олис Индонезия муштарийларимизда шундай қизиқ уйғотади деб ўйламагандик. Ўқувчилар, талабалар, мутахассислар саволларга ўз жавобларини юборишганди. Баъзи мактублар расмлар, хариталар, фотосуратлар билан безатилганди. Албатта, бу хатларнинг



эгаларига махсус совғалар топширилди.

Танлов саволларига жавобларни элчихона ходимлари синчиклаб саралашди, уларни кунт билан текшириб чиқишди. Натижада, 35 киши тўғри жавоб йўллаганлиги маълум бўлди. Лекин, сов-

ринлар миқдори 16 та эди. Янги йил оқшомида «Буми» меҳмонхонасида шу 16 ғолиб аниқланди. Икки асосий соврин эса, «Паллада Вос-ток» корхонасининг иқтисодчиси Светлана Апуктина билан талаба Лола Алиевага насиб этди. Уларга уяли телефонлар ва совғалар тўла

қопчиқлар топширилди. Совриндорлар орасида Олесья Левина, Абдурашид Ризаев, Андрей Коркин ва Азнаур Еврюжихинлар ҳам бор. Совринлар 14 январь куни «Буми» меҳмонхонасида топширилади.

Ўз мухбиримиз.

ЯНГИ МАРКАЗ ИШ БОШЛАДИ

Янги йил арафасида пойтахтимиздаги "Турон" санаторийсида янги реабилитация маркази ишга туширилди.

Уттиз беш кишига мўлжалланган ушбу марказ хориждан келтирилган замонавий тиббий жиҳозлар билан таъминланди.

Бу эса ўз вақтида аниқ ташхис қўйиш ва даволаш имконини беради.

Республика Касаба уюшмалари федерациясининг курортлар бош бошқармасидан маълум қилишларича, тизимдаги йигирмага яқин дам олиш-даволаш масканининг имкониятини кенгайтириш, уларни замонавий талаблар асосида қайта таъмирлаш ва дам олувчиларга зарур шарт-шароит яратиб беришга алоҳида эътибор қаратилмоқда.

(ЎЗА).

ТУҲФА

бўлими мудирлари Мухсим Ҳасанов. — Бирок, энг асосий ишни «Чанги» ширкат хўжалиги амалга оширди.

Барча қурилиш ишларига қарийб 300 миллион сўмга яқин маблағ сарфланди. Вилоят ҳокимлиги эса, мазкур таълим муассасасини салкам 30 миллион сўмлик замонавий жиҳозлар билан таъминлади.

Мактабнинг махсус фан хоналари керакли ўқув қуроллари билан жиҳозланган.

Очилиш маросимида сўзга чиққанлар бундай бунёдкорлик ишлари давом этиши, туманда

(Давоми. Боши 1-бетда).

яна бир қатор иншоотлар қад ростлаши режалаштирилаётгани ҳақида гапирдилар. Ўқитувчи ва ўқувчилар таълим-тарбия ишларини янги йилда янги мактабда бошлаётганларидан мамнун бўлишди.

Худди шу кун ушбу қишлоқнинг Зарзиндон ва Ўқитувчи маҳаллаларида 2 километр 700 метрдан иборат газ қувурларидан хонадонларга «зангори олов» кириб борди. Ушбу қулайлиқдан 56 хонадон фойдаланадиган бўлди.

Кун пировардида туманнинг Санганак қишлоғида янги қишлоқ шифокорлик пункти ҳам фойдаланишга топширил-

ди. Эндиликда санганакликлар шу ернинг ўзида тиббий кўриқдан ўтиб, муолажалар олишлари мумкин.

— 2004 йилда ҳам режаларимиз улкан, — дейди туман ҳокими Мирзамашраб Куччиев. — Хусусан, Наврўз байрамига тўхфа сифатида «Бойкозон» ширкат хўжалигидаги 540 ўринли мактаб биносини, Раҳмонқул номли маҳаллада 120 хонадонга мўлжаллаб тортилаётган газ қувурларини, 45-мактабнинг янги биносини фойдаланишга топширишни мақсад қилиб қўйганмиз. Ҳозир бу иншоотларда сўнгги пардозлаш ва жиҳозлаш ишлари амалга ошириляпти.

Равшан ЁҚУБЖОНОВ,
«Тошкент ҳақиқати» мухбири.

БИЛИМДОНЛАР БАҲСИ

Халқ таълими бўлими ташаббуси билан Қибрай туманидаги умумий ўрта таълим мактаблари ўқувчилари ўртасида Президен-

тимиз асарлари билимдони кўрик-танлови бўлиб ўтди.

Унда тумандаги 28 та мактаб ўқувчилари қатнашиб, тафаккур баҳсида ўзларини синновдан ўтказишди. Танлов натижаларига кўра, тумандаги 17-мактаб ўқувчиси Улугбек Ҳасанов ғолиб дея эътироф этилди.

Ўз мухбиримиз.

Улар хизматда эдилар

ҚЎШАЛОҚ БАХТ

Ҳар йилгидек вилоят туғруқ мажмуида биринчи бўлиб туғилмак чакалоқни кутиб ўтирибмиз. Бу бола қиз бўлади-ми, ўғилми? Бундай ҳолат доим такрорланса-да, лекин инсонда ўзига хос интиқлик, ҳаяжон туғдиради. 31 декабрь, соат 23.00 гача ўн уч нафар чакалоқ дастлабки нафасини 2003 йилнинг ҳавосидан олди.

Энди янги йилнинг авлодини кута бошладик. Соатлар янги — 2004 йилнинг кирганлигини кўрсатди. Шу пайт туғруқхонамизга биринчи гўдак туғилишидан хабар келди. Гулноза Раҳмонова исмли аёлни олиб келишди. Чамамда бир соат ўтар-ўтмас мажмуамизда янги йилнинг авлоди ёруғ дунё юзини кўрди. Бу жажжигина қизалоқ эди.

Мана бир неча йилдан буён кўпинча навбатчилигим янги йилга ўтар кунга тўғри келади. Бундан мен жуда хурсандман. Боиси шу кун умуман ўзгача тарзда ўтади. Бир томондан, янги йил шодлиги бўлса, яна бир томондан, болаларнинг оталари, яқин қариндошлари чехраларида қўшалок байрам шуқуҳи уфуради. Буни кузатиш қанчалик бахт эканини ич-ичимдан ҳис қиламан. Шу кун кетма-кет яна 13 нафар гўдак ёруғ олам юзини кўрди. Уларнинг тўрт нафари қизалоқ бўлса, тўққиз нафари ўғил бола эди. Бу чакалоқларга разм солар эканман, вужудимдан бир сўз отилиб чиқади. Яъни, бугун дунёга келган гўдаклар умрининг охиригача қўшалок байрамни нишонлаш бахтига муяссар бўладилар.

Зухра УСМОНОВА,

Чирчиқ шаҳридаги вилоят туғруқ мажмуининг шифокори.

ЭЛ ОСУДАЛИГИ — АСОСИЙ БУРЧИМИЗ

Ҳар қандай касбнинг оғир-енгиллигини унинг ичида юрсангина билар экансан. Илгари ички ишлар ходимларига гўёки осон тўтардим. Бу соҳа ходимлари ҳақидаги турфа хил гап-сўзларга ишонардим.

Кейинчалик мактабни тугатгач, тақдирнинг ҳукмими ёки бошқа сабаб биланми Ички ишлар вазирлиги қошидаги академияга ўқишга кирганимда соҳа ҳақидаги тасаввурларим умуман ўзгарди. Ўқишни тугатиб, ҳақиқий милиция ҳаётига кириб келганимдаку, бу соҳа кишиларига қанчалик қийин эканлигини, елкаларида қанчалик оғир масъулият турганини ич-ичимдан ҳис этдим.

Халқимизнинг байрамлари, тўю томошалари тинч ва хотиржам ўтишида бу соҳа ходимларининг хизматлари, айниқса, алоҳида аҳамиятга эга.

Энг асосий вазифа эса жиноятчилик ва ҳуқуқбузарликларнинг олдини олиш, унга қарши курашишдир.

Бизнинг Зангиота тумани ички ишлар ходимлари ҳам кечаю кундуз, елиб-югуриб туманда жино-

ятлар сонини камайтириш, аҳоли ўртасида ҳуқуқбузарликнинг олдини олиш борасида қатор тадбирларни амалга ошириб келмоқдалар. Бунда, айниқса, халқ билан бевосита учрашувлар кўпроқ натижа бермоқда.

Янги йил арафаси ва байрам кунлари юртдошларимиз кўнгилдагидек ҳордиқ чиқаришлари, 2004 йилни хурсандчилик билан кутиб олишлари учун ички ишлар ходимлари сергак турдилар.

Истардимки, Янги — 2004 йил ҳам ўтган йиллар каби халқимизга осуда ҳаёт, фаровон турмушни олиб келсин. Ҳар доим кишиларнинг тунлари беҳавотир, кунлари сермазмун ўтсин.

Фарҳод МУҲИДДИНОВ,
Зангиота тумани Ички ишлар бўлими ходими, милиция катта лейтенанти.

ХУРСАНДЧИЛИККА ШЕРИК БЎЛДИМ

Нозимимиз декабрь ойи учун навбатчилик рўйхатини тузиб, раҳбарга тасдиқлаштиб чиқди. Деворда илиниб турган рўйхатга ҳайдовчилар бир-бир қараб: «Бу йилни оилам даврасида кутар эканман», — деб ортларига қайтавердилар.

Мен ҳам аста бориб, разм солсам, 31 декабрь куни навбатчилигида исм-фамилиям ёзилдик турибди. Бир томондан: «Оббо, энди янги йил қирадиган кеча машина чамбарагини чангаллаб ўтиришим қолувди», — десам, яна бир томондан вужудимда қандайдир илиқлик пайдо бўлди, яъни: «Бу кун кўчалар қандай бўларкин, қандай кутилмаган воқеалар рўй бераркин?», — деган савол мени шу кечада автоулов бошқаришга ундарди.

Уша кун ҳам етиб келди. Соат 22.00 лардан кейин кўчаларда шоду хуррамлик бошланди. Мижозларнинг ҳар бири машинага ўтирар экан: «Ака, кириб келаётган янги йилингиз билан», — деб табриқлайди. Йўл ҳақини ҳам талашмай-тортишмай бериб кетади. Узимча ўйладим, янги йил мўъжизаси шу бўлса керак-да!

Янги йил ҳам кирди. Соатлар 24.00 га бонг урди. Халқнинг бояги шоду хуррамлиги ўн чандон ошди. Улар дунёнинг ғам-ташвишларини унутиб, бир-бирларини қутлар, яқинларидан хабар олиб, табриқлагани ошиқар эди. Янги 2004 йил юртимизга таширф буюрганидан сўнг ярим соат ўтар-ўтмас кўчалар одамлар билан гавжумлашиб кетди. Улар бир-бирларини танимасаларда, янги йилда эзгу ниятларни инъом этардилар. Мижозларим ҳам фақат ширин сўз, салом билан мурожаат қилиб, манзилларига элтиб қўйишимни сўрардилар. Манзилга етгач эса, қўярда-қўймай меҳмонга киришга таклиф этиб: «Бир пиёла чой ичиб кетинг», — дер эдилар.

Хуллас, байрам кунини инсонлар ҳизматида бўлиш менга бир олам шодлик келтирди. Юртимиздан шодлик, қувонч аримасин.

Абдуҳалиқ МАЖИДОВ,
такси ҳайдовчиси, Ўртачирчиқ тумани.

ҚАЛБЛАРДАГИ МЕХР НИҲОЛИ

Президентимизнинг 2004 йилни Мехр ва мурувват йили деб эълон қилишлари барча юртдошларимиз қатори мени ҳам қувонтириб юборди. Халқимиз менталитетига хос ушбу тушунча мазкур йил сабабли янада кенгрок қўлоқ ёзиши, мурувватли кишиларнинг эзгуликлар билан ошно бўлишлари муқаррар.

Бу ҳақда бежиз гап очганимиз йўқ. Вилоятда иккита меҳрибонлик уйи бўлса, шундан биттаси бизнинг Бўка туманида жойлашган. Бу йил ушбу муассасанинг ташкил этилганига 40 йил тўлади. Шу йиллар ичида бу ерда қанча ўқис қалблар тарбияланиб, катта ҳаётга учирма бўлдилар.

Айни кунда ҳам ушбу меҳрибонлик уйида 172 нафар ўғил-қиз тарбияланаяпти. Уларнинг кўпчилиги отаси ёки онасининг ноқобил йўлга кириб кетганлиги оқибатида тирик етимлик азобини тортмоқда. Бу норасидалар ҳеч бир нарсадан кам бўлмасликлари, қалбларидаги «кемтик жой»ни тўлдириш учун ходимларимиз эртаю кеч уларнинг атрофида парвоналар.

2003 йилда муассасамизда 27 нафар вояга етган ўсмир катта ҳаётга учирма қилинди. Улар ўз хоҳишларига мувофиқ вилоятдаги касб-хунар коллежларига имтиёзли тарзда ўқишга кирдилар. Бу тарбияланувчиларга муассасамиз томонидан 27 минг сўмдан ёрдам пули берилди. Шунингдек, туман халқ банки бўлими томонидан уларнинг ҳар бири ҳисобига 500 минг сўмдан маблағ ўтказилди.

Муассасамизга вилоятнинг бир қатор қўли очиқ кишилари яқиндан ёрдам бериб келишяпти.

Туман ҳокимлиги мутасаддилари ҳам биз билан ҳамнафас. Яқинда муассаса биносининг бир қисмини таъмирдан чиқариб, янги жиҳозлар билан таъминлашди. 2004 йилда иккинчи бинони ҳам таъмирлаш режалаштирилган.

Бошқа қатор ташкилотлар ҳам ўзларининг беминнат ёрдамларини аяшмаяпти. Хусусан, яқинда вилоят прокуратураси томонидан муассасамиз кутубхонасига бир қатор бадиий адабиётлар совға қилинди. Шунингдек, Американинг Ўзбекистондаги элчихонаси вакиллари ҳам келиб, болажонлар билан турли машғулотлар ўтказишди, уларга турли хил совға-саломлар улашишди, дастурхон тузаб, болалар меҳмон қилинди.

Саховатли юртда туғилиб, ўсиб улғайган ва унинг меҳр-мурувватидан баҳра олган ҳар бир фарзанд шу юрт тараққиёти ва равнақи учун бор кучи ва билимини бахшида этиши шубҳасиз.

Уташ АБДУЛЛАЕВ,
меҳрибонлик уйи раҳбари.

САМАРИДИАН КЎМАГИ

Америка Қўшма Штатларининг Самаридиан номли жамғармаси Қизил Ярим Ой жамияти Тошкент вилояти бўлими билан ҳамкорликдаги дастлабки ишни туман ва шаҳардаги ногирон ва ҳимояга муҳтож кишиларга моддий ёрдам тарқатишдан бошлади. Хусусан, ҳаракатланиш қобилияти чекланган 13 одамга ногиронлар аравачаси топширилди. Уларни бўлажак эгаларига етказиб беришда вилоят ҳокимлиги транспорт хизмати билан кўмаклашди. Мурувват кўрсатиш ишлари давом этмоқда.

Хурида НАЗАРОВА.

МУРҒАК ҚАЛБЛАР ҚУВОНЧИ

Янгийўл шаҳар марказида ўтказилган «Арча байрами»да 400 нафардан зиёд бола иштирок этди. Тадбирга кўплаб ташкилот, корхоналар ҳомийлик қилишди. 192 нафар меҳрибонлик уйи тарбияланувчиларига байрам совғалари топширилди. Ҳам ота, ҳам онасидан эрта ажраган 19 норасида гўдакка берилган Юртбошимиз совғалари мурғак қалбларга бир олам қувонч бағишлади. Тадбир мобайнида Болалар ижодиёти маркази ҳамда шаҳар Маданият уйи вакиллари ўз санъатларини намойиш этдилар.

Янги йил тадбирлари давом этмоқда.

Ўз мухбиримиз.

Президентимизнинг Конституциямиз 11 йиллиги тантаналарида 2004 йилни «Мехр ва мурувват йили» деб аташ ҳақидаги таклифини эшитдим, чин қалбдан қувондим, кўзларимда ёш қалқди.

Юртбошимиз таъкидлаганларидек, меҳр-мурувват деган сўзнинг замирида бир олам маъно бор. Бу, аввало, етим-есирлар, бева-бечоралар, ҳаётда маълум бир сабабларга кўра омади юришмай қийинчиликни бошдан ўтказаятган кишиларга меҳр-мурувват бўлса, яна бир тушунча — ҳар бир инсоннинг она-Ватанга, халқига меҳр-муҳаббатли бўлишидир.

Ўз Ватани, халқига яхшилик қила олган кишидан ҳеч қачон ёмонлик чиқмайди, юрт тузини оқлайди, халқи юзига оёқ босмайди. Мустақил мамлака-



Мехр ва мурувват тушунчалари азалдан халқимизнинг қон-қонига сингиб кетган. Шу боис юртдошларимиз бу йилни ўзгача қувонч ва эзгу ниятлар билан кутиб олди. Юртимиз бўйлаб инсонпарварлик, бағрикенглик ва меҳр-оқибат билан боғлиқ тадбирлар, хайрли ишлар аллақачон бошланиб кетган.

Мамлакатимизнинг турли гўшаларига «Мехр ва мурувват йили»нинг мазмун-моҳиятини ўзида акс эттирувчи сурат ва лавҳалар кўрк бағишлаб турибди.

СУРАТДА: пойтахтимизнинг марказий кўчаларидан биридаги рангли панно.

А. ТЎРАЕВ (ЎЗА) олган сурат.

ИЛМИЙ-АМАЛИЙ АНЖУМАН

Тошкент Ислон университетида "Бағрикенглик ва меҳр-мурувват — жамият тараққиёти омилли" мавзuida илмий-амалий анжуман бўлиб ўтди. Тадбир Вазирлар Маҳкамаси ҳузуридаги Дин ишлари бўйича қўмита, Ўзбекистон мусулмонлари идораси ҳамда ЮНЕСКОнинг мамлакатимиздаги ваколатхонаси ҳамкорлигида ташкил этилди.

Анжуманда мамлакатимизда мустақилликнинг дастлабки йиллариданоқ инсон қадр-қиммати, ҳуқуқ ва манфаатлари энг юксак қадрият сифатида эътироф этилиб, жамиятимизда ахилликни, фуқароларимиз орасида миллатлараро дўстлик муҳитини мустаҳкамлаш борасида талай ишлар

амалга ошириляётгани таъкидланди.

2004 йилнинг мамлакатимиз Президенти Ислон Каримов ташаббуси билан Мехр ва мурувват йили деб эълон қилиниши юртимиз аҳолисининг бир-бирига меҳр-оқибат ришталарини янада мустаҳкамлаш йўлида кўйилган муҳим қадам бўлди.

ДАСТУРХОНДА ҲИССАМ БОР

Хонадонингизга кутилмаганда меҳмон таширф бўлурса, шубҳасиз, аввал дастурхон ёзасизу биринчи галда азиз неъматимиз — нон ушатасиз. Сўнгра чой, қанд-қурслар билан безайсиз.

Ўзбек хонадонининг тўю томошаси, ҳар бир кунда дастурхон нонсиз бўлмайди.

Ҳамон эсимда, болалигимда уйдагилар тандирда нон ёпишарди, шунда биринчи узилгани менинг кулчам бўларди. Қўлларимга олардиму пуф-пуфлаб совутардим. Ноннинг хушбўй иси гўё борлиқни тугиб кетгандек, завқ-шавқим ортарди.

Ҳозир эса, ўзим новвойлик касбини эгаллаганман. Халқимизнинг каттаю кичик тантаналари, турли маросимларига нон ёпаман. Бу касбда уч йилдан ортиқ меҳнат қилмоқдаман. Устозларим Икром, Зайниддин акалардан касбнинг сир-асрорларини кунт билан ўрганаёпман.

Байрам кунлари ҳам халқимиз дастурхонига азиз неъмат — нонни етказиб бераётганимиздан хурсандман. Кириб келган янги йил, ҳар бир янги кун барчангизга муборак бўлсин. Хонадонингиздан бахт, сихат-саломатлик аримасин. Нон ҳамиша дастурхонингиз кут-баракаси бўлсин.

Хурийд МУСАЕВ,
новвой, Зангиота тумани.

Бу фуқароларимизда бағрикенглик маданиятини тарбиялаш, кишилар қалбида меҳр-мурувват туйғусини камол топтириш ҳамда бу борадаги ишларни амалга оширишни бутун жамият ҳаёти тарзининг узвий қисмига айлантириш йўлидаги барча ишларни янада кучайтиришда диний муассасалар ва уламолар зиммасига ҳам масъулиятли вазифалар юклайди.

Анжуманда Ўзбекистон Республикаси Президентининг Давлат маслаҳатчиси З.Хусниддинов иштирок этди.

Олим НОРБЕКОВ,
ЎЗА мухбири.

БАРИ ТАРБИЯДАН БОШЛАНАДИ

тимиз истиқболи бўлмиш ёшларни мана шу руҳда тарбиялаш лозим.

Бу борада Янгийўл шаҳридаги Мезон маҳалласида бир қатор ижобий ишларга эришилмоқда.

Хусусан, ўсмир-ёшларни бекорчиликдан асраш, уларни ижодий меҳнатга жалб этиш мақсадида тўғарақлар ташкил этилган. Маҳалла шаҳарнинг қулай ерида жойлашганлиги боис ҳам тўғарақлар доим гавжум.

Ёшлар билан ўтказиладиган суҳбатлар, айниқса, мазмунли ўтади. Йигит ва қизлар ўзларини қизиқтирган масалалар, уларни қийнаётган

муаммолар ҳақида маслаҳатлашадилар.

Бугунги кунда маҳалла аҳлининг қарийб 60 фоизи ёшлардан иборат. Уларни қобилиятига яраша иш билан таъминлаш муаммоси ҳам ижобий ҳал этилмоқда. Ҳар бир ўсмир лаёқатини ўрганган ҳолда унга мос касб-хунар танланиб, меҳнат шартномаси асосида иш ўринлари берилмоқда.

Буларнинг барида маҳалла педагог-тарбиячиси Фарида Жўрабекованинг хизматлари катта бўляпти.

— Аввало, кишида ўз меҳнати ва бошлаган ишига меҳр бўлсагина самарага

эришиши мумкин экан, — дейди у. — Ёшлар билан ишлаш эса менинг сеvimли ишим. Улар билан суҳбатлашсам, муаммолари биров бўлсада ҳал бўлишига кўмаклаша олсам, қалбдан қониқиб ҳис этаман. Назаримда, бу ҳам меҳр-муҳаббат, мурувватнинг бир кўриниши.

Ҳар бир инсон ана шундай тушунча ва ўй билан яшаса, ўз қалб кўри, меҳнати билан кимгадир меҳр бериб, мурувват кўрсата олса, юртимиз равнақиға муносиб ҳисса қўшган бўларди.

Раҳима АБДУЛЛАЕВА.

Dushanba

5

«Ўзбекистон» телеканал

6.00 «Ассалом, Ўзбекистон!»
8.00-8.45 «Тахлилнома»
8.45, 17.55 ТВ маркет.
8.50 «Ўзбектеlevision» намоиши: «Юнус Ражабий».

12.30 Ўзбекистон телерадиоканали камер оркестрининг концерти.
12.55 «Жиз-биз». Ҳажвий кўрсатув.

18.45 «Ажаб саодат эрур».
19.05 «Мулкдор»
19.25, 19.55, 20.25, 21.00 Эълонлар.

«Ёшлар» телеканал

15.00 Кўрсатувлар дастури.
15.05 «Янги авлод» почтаси.

пояси». Бадий фильм 4-қисм.
17.40 Жаҳон жуғрофияси.
18.30 Фазал соғинчи.

«Тошкент» телеканал

17.10 Кўрсатувлар тартиби.
17.20 ТТВ да сериал: «Луиза Фернанда».

«Спорт» телеканал

8.00 «Бардам бўлинг». Тонгги дам олиш дастури.

тон байроғи». Олимпия ўйинлари.
18.30 «Ҳазил кетидан ҳазил». Ҳажвий кўрсатув.

Seshanba

6

«Ўзбекистон» телеканал

6.00 «Ассалом, Ўзбекистон!»
8.00-8.35 «Ахборот».
8.35, 17.55 ТВ маркет.

14.10 Биржа ва банк хабарлари.
14.20, 16.50 ТВ клип.
14.30 «Янги йил».

«Ёшлар» телеканал

6.55 Кўрсатувлар дастури.
7.00 «Мунаввар тонг». Информацион дам олиш дастури.

13.15 Болалар учун мультсериал: «Ака-ука Гримм эртақлари».

«Тошкент» телеканал

17.10 Кўрсатувлар тартиби.
17.20 ТТВда сериал: «Луиза Фернанда».

«Спорт» телеканал

8.00 «Бардам бўлинг». Тонгги дам олиш дастури.

19.10 «Ишонч ва муҳаббат замини». Сериал.

Chorshanba

7

«Ўзбекистон» телеканал

6.00 «Ассалом, Ўзбекистон!»
8.00-8.35 «Ахборот».
8.35, 17.55 ТВ маркет.

14.40 Кундузги сеанс: «Самодаги саргузаштлар». Бадий фильм.

«Ёшлар» телеканал

6.55 Кўрсатувлар дастури.
7.00 «Мунаввар тонг». Информацион дам олиш дастури.

13.15 Болалар учун мультсериал: «Ака-ука Гримм эртақлари».

«Тошкент» телеканал

17.10 Кўрсатувлар тартиби.
17.20 ТТВда сериал: «Луиза Фернанда».

«Спорт» телеканал

8.00 «Бардам бўлинг». Тонгги дам олиш дастури.

18.00 «Спорт-антракт». 18.10 «Кулгули одамлар».

Payshanba

8

«Ўзбекистон» телеканал

6.00 «Ассалом, Ўзбекистон!»
8.00-8.35 «Ахборот».
8.35, 17.55 ТВ маркет.

Бадий фильм.
11.55, 16.05 ТВ клип.
12.05 «Ҳаёт ва қонун».

«Ёшлар» телеканал

6.55 Кўрсатувлар дастури.
7.00 «Мунаввар тонг». Информацион дам олиш дастури.

янгиликлари» (инглиз тилида)
20.30 «Ахборот».
21.05 Телемулоқот.

«Тошкент» телеканал

9.20 «Янги авлод» студияси: Оқ кабутар.

«Спорт» телеканал

13.40 Алифбе байрами.
13.50 «Сўнгги имкониёт».

19.35 «Давр» - интервью.
19.50 ТВ - анонс.

«Тошкент» телеканалли

17.10 Кўрсатувлар тартиби. 17.20 ТТВда сериал: «Луиза Фернанда».

18.30, 20.00, 20.50, 21.45 «Пойтахт» ахборот дастури.

22.05 Кинонигоҳ. «Зорро».

«Спорт» телеканалли 8.00 «Бардам бўлинг».

9.35 Футбол федерациясида Янги йил. 10.35 «Ўзбектеелефильм» намоиш этади.

Мультифильм. 17.30 Кураш бўйича Осиё чемпионати.

спорти одимлари». Бадий гимнастика. 22.20 Жаҳон спорти.

30-канал

9.00 Дастурнинг очилиши. 9.05, 17.30, 20.45 «Телехамкор».

Сериал. 10.40, 16.00, 23.15 Спорт. 11.10 «Сан-Тропе».

JUMA

9

«Ўзбекистон» телеканалли

6.00 «Ассалом, Ўзбекистон!» 8.00 - 8.35 «Ахборот».

«Биз ёлғиз эмасмиз». Бадий фильм. 1-қисм. 16.25 «Оламни асранг!»

«Ёшлар» телеканалли

6.55 Кўрсатувлар дастури. 7.00 «Мунаввар тонг».

мультсериал: «Ака-ука Гримм эртаклари». 13.40 Сийрат.

тенгдошим. 21.50 Олтин мерос. 22.00 Давр.

21.05 ТТВда сериал: «Бебилиска пул».

«Спорт» телеканалли

8.00 «Бардам бўлинг». Тонгги дам олиш дастури.

19.00 «Ишонч ва муҳаббат замани».

30-канал

9.00 Дастурнинг очилиши. 9.05, 17.30, 20.45 «Телехамкор».

Shanba

10

«Ўзбекистон» телеканалли

6.00 «Ассалом, Ўзбекистон!» 8.00-8.35 «Ахборот».

эмасмиз». Бадий фильм. 2-қисм. 15.30 «Дўстлик» видео-

21.05 Ўзбекистон Республикаси ИИВ намунали оркестрининг концерти.

«Ёшлар» телеканалли

6.55 Кўрсатувлар дастури. 7.00 «Мунаввар тонг».

11.45 «Гвадалупе». Телесериал. 12.25 2004- Мехр ва мурувват йили.

мехмон. 20.20, 21.10, 22.35 Эълонлар. 20.25 «Мерлин».

бурчак остида». 21.30 «Хусусийлаштириш: қадам бақадам».

«Спорт» телеканалли

8.00 «Бардам бўлинг». Тонгги дам олиш дастури.

Басков ва бошқалар концерт дастурида.

30-канал

9.00 Дастурнинг очилиши. 9.05, 17.40, 20.45 «Телехамкор».

Yakshanba

11

«Ўзбекистон» телеканалли

6.00 «Ассалом, Ўзбекистон!» 8.00-8.35 «Ахборот».

премьераси. 2-қисм. 15.05 «Йил мактаби».

22.00 «Янги йил базми». 1-қисм.

«Ёшлар» телеканалли

6.55 Кўрсатувлар дастури. 7.00 «Мунаввар тонг».

ўйин. 13.50 Муסיкий лаҳзалар. 14.05 «Учинчи сайёра».

20.50, 21.40, 22.35 Эълонлар. 20.55 «Мерлин».

23.40-23.45 Хайрли тун, шаҳрим!

«Спорт» телеканалли

8.00 «Бардам бўлинг». Тонгги дам олиш дастури.

19.00 «Соврин». Бадий фильм.

30-канал

9.00 Дастурнинг очилиши. 9.05, 11.30, 17.40, 20.45 «Телехамкор».

Ўзбекистон ва жаҳон

ЯХШИ НИЯТ АЛОМАТИ

Шу кунларда дунё ҳамжамияти эътибори Эроннинг Бам шахрига қаратилган. Жорий йилнинг 26 декабрь куни ушбу шахарда минглаб инсонлар ҳаётига зомин бўлган кучли ер силкиниши содир бўлди.

Бамдаги фожеавий воқеа Ўзбекистон халқида чуқур қайғу ва ҳамдардлик уйғотди. Тошкент аэропортида болалар кийим-кечаклари, дори-дармонлар, кўрпа-тўшаклар, палатка ва чодирлар, ичимлик суви, дезинфекция моддалари, ошхона анжомлари ва бошқа нарсалардан иборат бўлган 13 тонна инсонпарварлик юки Эронга жўнатилади. «Ўзбекистон ҳаво йўллари» миллий авиакомпаниясининг ИЛ-76 самолётида юборилган юк республикамизнинг «Ўзбекенгилсаноат», «Ўзфармсаноат», «Экосан» халқаро жамғармаси, Қизил Ярим Ой жамияти ва бошқа ҳукумат ва жамоат ташкилотлари томонидан ташкил этилди.

— Биз Ўзбекистон Республикаси Президенти Ислоҳ Каримовга Эрон Ислоҳ Республикаси Президенти Саййид Муҳаммад Хотамий ва Эрон халқига ушбу фожеа муносабати билан йўллаган таъзияномаси учун миннатдорлик билдирамиз. Эрон халқи ушбу ғамхўрликни хотирасида абадий сақлайди, — деди юкни юбориш маросимида иштирок этган Эроннинг Ўзбекистондаги Фавқуллода ва Мухтор элчиси Муҳаммад Фатҳ Али.

Юкни манзилга етказиш ва уни топшириш Ўзбекистон Республикаси Фавқуллода вазиятлар вазирлигига юкланди.

«Жаҳон» АА.

Ўтган йилда 140 дан зиёд мамлакат БМТ аҳолишунослик фондида (ЮНФПА) маблағ йўлладилар. Ўзбекистон биринчи мартаба ушбу нуфузли халқаро ташкилотга молиявий ёрдам кўрсатаётган давлатлар қаторидан жой олди.

АҲОЛИГА ҒАМХЎРЛИК — ОЛИЙ ВАЗИФА

ЮНФПА тақсимловчи директори Сорайя Обейд яқунланган йилда кўрсатилган молиявий кўмак миқдори кутилганидан зиёда бўлганини қайд этди. У мазкур кўрсаткич жаҳондаги барча мамлакатларнинг фондга нисбатан ишончи ва ҳурмат-эҳтироми ортиб бораётганининг нишониси эканини таъкидлади.


Ташкилот мамлакатимизда 1992 йилдан буён аҳолининг репродуктив

саломатлигини яхшилаш, оналик ва болалик ўлимини камайтириш, умр давомийлигини узайтириш соҳасида фаолият кўрсатиб келмоқда.

Ўзбекистоннинг ЮНФПА донор мамлакатлари сафига кўшилиши юртимизнинг келгусида ушбу нуфузли халқаро ташкилот билан ҳамкорлиги янада чуқурлашувидан далолат беради.

«Жаҳон» АА.

Саҳифа меҳмони



Омон МУХТОР,
Ўзбекистонда хизмат кўрсатган санъат арбоби

ЕРНИНГ АЙЛАНИШИ
— БУЮК БИР ҚОНУН

Янги йил келиши доим кишини шошириб кўяди. Ўзингни ҳашаматли бир уй олдидан тургандек ҳис этасан. Бу уйни ҳали кўрмагансан. Ичкарида нима бор-у, ҳаётинг энди қандай кечади?! — ўйлашинг керак. Муҳими, бу уйга эга бўлиш, унга муносиб бўлиш сенга насиб этадими?! — ўйламаслик, орзу қилмаслик мумкин эмас. Ўтган йил ва бутун ҳаётинг кўз олдингдан кечади.

Янги йилда олдингдан яхшироқ яшаб, катта бир эзгу ишларни амалга ошириш нияти билан остонадан ичкарига қадам ташлайсан. Барчани чин дилдан қутлайсан. 2003 йил мен учун ҳар қачонгидан ҳам кўпроқ меҳнат йили бўлди. Алишер Навоий ҳаётига бағишланган «Буюк фаррош» романи («Ишқ аҳли» романининг давоми) устида ишладим. «Одамлар кулишлари керак» деган романни ҳам қоралай бошлаганман. Бир қанча мақолалар, шеърлар ёздим, улар матбуотда ва турли мажмуаларда эълон қилинди. «Тошкент ҳақиқати» мен учун сеvimли газета. У ўқувчилар эътиборини қозонган. Янги йилда янада эътибор топишини тилайман. Бир ижодкор сифатида менга бу газета ҳамisha меҳрибонлик кўрсатиб келган. Мен буни қадрлайман ва миннатдорлик сезаман. Қутлуғ байрам кунлари шундан, бир неча янги ёзмаларни азиз газетхонларимиз диққатига ҳавола қилаяпман...

ТИЛАКЛАР

Ҳар бир йилдан,
ойдан, кундан,
соат, лаҳзадан —
Баҳра топмоқ керак. Керак —
кўнгиш яйраши.
Сен онасан! —
бахт йўлини бизга ёз, Ватан,
Умримизда тўкин бўлсин
қушлар сайраши.

Умримизда доим бўлсин
ой билан офтоб,
Бошимизда чарақласин сонсиз юлдузлар.
Чекинсин бор машаққатлар,
кўзлардаги хоб, —
Эригандек баҳор пайти
абадий музлар.

Ёруғ бўлсин юзлар. Кўзлар.
Одамлар барча
Фурур билан, бир-бирига қарай олсин тик.
Ҳар бир қалбга,
бамисоли очгандек дарча,
Кириб борсин табиатда бўлган —
Гўзаллик...

Ернинг айланиши — буюк бир қонун,
Ерда яшамоқлик — буюк бир шараф.
Тинмай алмашилиб келган тун ва кун —
Аммо суриб борар Ерни нур тараф,
Умид ёруғликка юз тутса олам!

Умрида китобга боқмаган одам,
Бирон куй мавжиди оқмаган одам,
Мудраб яшамоқни ёқлаган одам! —
Сен Ерни орқага тортмаяпсанми?!
Ўз юкингни унга ортмаяпсанми?!

ТАРИХ

Дунё кўрди не-не шоҳларни,
Кулфатларни, аччиқ оҳларни,
Тарк этай, деб тушган чоҳларни —
Инсон кўкка талпиниб ўтди.

У қидирди ҳар хил роҳларни,
Қучиб ётди тўлин моҳларни,
Кўп эшитиб «гоҳи-гоҳ»ларни —
Инсон Ерда қалқиниб ўтди...

Заҳматни ибодат деб билган,
Хизматни ибодат деб билган,
Ҳимматни ибодат деб билган —
Бир халқсан. Фаройиб.

Меҳмондўст бўлишга интиланган,
Бекам-кўст бўлишга интиланган,
Этга нўст бўлишга интиланган —
Бир халқсан. Фаройиб...

Инсон Олис Йўлда
қийналиб,
тойиб, —
Доим эзгу кунларни
кутди...

Бадавлат бир халқмиз. Эскидан.
Бўлмаган ҳеч қачон биз ғариб.
Вулқонлар отилиб кўксидан, —
Одамлар боради ўзгариб.

Шарт эмас уларга хитоблар,
Ўзини гўёки поралаб.
Биз мангу ўтганмиз азоблар —
Фурбатлар шамоли оралаб.

Озодлик боболар мероси,
Бу туйғу билмайди ҳеч қариш.
Одамнинг ўзгарар дунёси —
Интилиб истаса ўзгариш.

Бадавлат бир халқмиз. Эскидан.
Ҳақлимиз яшашга бахтли, шод.
Вулқонлар отилиб кўксидан, —
Инсоннинг топгани шу мурод...

ОТАМГА

Бухорони тушда кўраман,
Тушларимга кирар минг бора —
Оддийгина салла ўраган,
Яктак кийган отам-бечора.

Унинг қуюқ қошлар остидан
Боқиб турар кўзлари ўткир —
Ёлғони кўп бўлган ростидан
Замонларда яшаб қолган сир.

Бу сир менга тушларимда ҳам
Берган каби қандайдир сабоқ —
Ичда бўлиб мағрур ва ўктам,
Содда, камтар бўлиб яшамоқ...

Спорт Спорт Спорт Спорт Спорт Спорт Спорт Спорт

ЖАҲОН МАЙДОНИ КЕНГ

Истиқлол йилларида барча соҳаларда бўлгани каби спортда ҳам салмоқли натижаларга эришилди. Бугунги кунда 582 минг 927 нафар вилоят аҳолиси спортнинг 48 тури билан мунтазам шугулланмоқда.

Вилоятимиз бўйича кейинги уч йилда 108 нафар спорт устаси, 15 нафар халқаро тоифадаги спорт устаси, 500 дан зиёд спорт усталлигига номзод, 1000 дан ортик биринчи разрядли спортчилар тайёрланди. Улар томонидан республика мусобақаларида 123 та, халқаро турнирларда 44 та — жами 167 та олтин медалларга эришилди.

Бунинг инъикоси сифатида ўғил-қизларимиз «Умид нихоллари», «Баркамол авлод», «Универсиада» республика мусобақаларидан тортиб, жаҳон чемпионати баҳсларигача вилоятимиз шарафини муносиб ҳимоя қилиб келишмоқда. Ёшлар ўртасидаги республика баҳсларида вакилларимиз 2003 йилда Андижонда бўлиб ўтган «Баркамол авлод» мусобақаларида умумжамоа ҳисобида иккинчи ўринни эгаллаб, айниқса, салмоқли ютуқларни қўлга киритишди.

Вилоятимиз спортчиларининг жаҳон майдонларида эришаётган зафарлари ҳам бундан қолишмайди. Курашчи йигитимиз Дилшод Мансуров АҚШда бўлиб ўтган жаҳон чемпионатида рақиб-


ларининг курагини ерга теккизиб, 2004 йилда бўлиб ўтадиган Афина олимпиадасига йўлланмани қўлга киритган бўлса, яқинда чирчиқлик дзюдочимиз Эгамназар Акбаров ҳам худди шундай имконият соҳиби бўлди. Бўстонликлик чавандозимиз Файрат Назаров Осиё чемпионлиги ва Жаҳон кубоги соҳиблигини қўлга киритгач, жорий йилда Грецияда бўлиб ўтадиган от спорти бўйича жаҳон чемпионати финалида қатнашиш ҳуқуқига эга бўлди. Йил чирчиқлик дзюдочи Санжар Зокиров, энгил атлетикачи вакиламиз Ольга Жогольева, машҳур боксчиларимиздан Икром Бердиев, Рустам Саидов ва Бахит Сарсекбаевлар учун ҳам омадли бўлди, дейиш мумкин. 2003 йилда Марказий Осиё ва Афро-Осиё ўйинларида ғолибликка эришган ушбу уч соҳимиз айни паллада яқинда Филиппин пойтахти — Манилада бўлиб ўтадиган Осиё чемпионатида муваффақиятли қатнашиб, Афина олимпиадасига йўлланмани қўлга киритиш учун кизгин машғулотлар олиб боришмоқда. Насиб этса, бу сингари спортчиларимизнинг муваффақиятли иштироки 2004 йилда жаҳон майдонларидаги зафарларимиз ибтидоси бўлади.

Баҳром ҒОҒУРОВ,

вилоят жисмоний тарбия ва спорт кўмитаси раиси.

ВАТАН БАЙРОҒИНИ БАЛАНД КЎТАРИБ

Яқин йилларда республикамиз спорт ҳаётида «Чирчиқ бокс мактаби» атамаси ҳам пайдо бўлди.



Негаки, халқаро тоифадаги спорт устаси, 81 килограммгача бўлган вазн тоифасида XIV Осиё ўйинлари ғолиби, 2002 йилдаги Осиё чемпионати, Марказий Осиё ўйинлари ғолиби Икром Бердиев, халқаро тоифадаги спорт устаси, 91 килограммдан ортик вазнда бир неча бор Ўзбекистон чемпиони, 2000 йил Сидней Олимпиадаси бронза медали соҳиби, Осиё ўйинлари ғолиби, жаҳон чемпионати — 2003 бронза медали соҳиби, V Марказий Осиё ўйинлари, Афро-Осиё ўйинлари ғолиби Рустам Саидов, 2002 йил Осиё чемпиони, Осиё ўйинлари совриндори, Афро-Осиё ўйинлари ғолиби, «Ўзбекистон ифтхори» унвони соҳиби Бахит Сарсекбаев, халқаро тоифадаги спорт устаси, 1999 йил Осиё чемпиони, 2000 йил Сидней Олимпиадаси иштирокчиси Алишер Рахимов сингари

донгдор боксчилар айнан шу мактабда таҳсил олишган. Уларнинг спортда эришаётган натижаларига ҳар бир йигит-қиз ҳавас қилса арзийди. Айни пайтда Чирчиқдаги олимпия захиралари билим юрти, «Олимпия умидлари» бокс зали, 3-мактаб бокс мажмуи, «Ўзбекимемаш» корхонаси спорт мажмуи, «Олмос» спорт мажмуида фаолият олиб бораётган бокс бўйича вилоят терма жамоаси бош мураббийси Илёс Раҳимжонов (1987 йилда Югославияда бўлиб ўтган «Олтин гонг» халқаро турнири ғолиби), Карим Маҳмудов (уч карра Ўзбекистон чемпиони, 1-даражали «Соғлом авлод учун» ордени соҳиби), Маҳмуд Хўжаев сингари истеъдодли мураббийлар юзлаб ёшларни бокс сирларидан хабардор этиб, уларни янги-янги спорт муваффақиятлари сари йўллашмоқда.

— Бизнинг Фулом Аслонов, Медеу Жумашев, Валихон Куронбоев каби шогирдларимиздан ҳам умидимиз катта, улар ҳозирнинг ўзидаёқ «Баркамол авлод» ўйинлари, ўсмирлар ўртасидаги республика чемпионатида салмоқли натижаларга эришмоқда, — дейди Маҳмуд Хўжаев биз билан суҳбатда. — Ҳозир эса И. Бердиев, Р. Саидов, Б. Сарсекбаев, А. Раҳимовлар билан бор имкониятни 2004 йилнинг январда Филиппин (Манила)да бўлиб ўтадиган Осиё чемпионатида Афинада бўлиб ўтадиган Олимпиада учун бериладиган йўлланмани қўлга киритишга қаратганмиз.

Мактабимиз спортчилари эришаётган бундай натижалар, албатта, эртанги кунга умид бағишлайди. Лекин, очигини айтишим керак, жаҳон рингларида ғолиблик насиб этган боксчиларимиз бугунги кунда етарли шароитларга эга бўлмаган, зах ва қоронғу ертўлаларда ҳам машғулотлар олиб боришмоқда. Агар шу масалада бизга кўмак берилганида ғоят миннатдор бўлар эдик.

Сўнгсўз ўрнида: дарҳақиқат, ушбу ютуқлар барчамизники бўлса-да, унинг ижодкорлари алоҳида кишилардир. Истагимиз — муваффақиятлар юксалишига, Ватанимиз спорти янада раванг топишига элим, юртим деган ҳар бир фуқаро — мухлис ўз ҳиссасини қўшиб, саховат ёрдамини кўрсата олса... Шунда улар эртага кечагидан ҳам салмоқли натижаларни кўрсатишади. Бундан барчамиз манфаатдоримиз. Ахир, бундай спортчилар миллат, юрт фахри ҳисобланади.

Воҳид БОЙМУРОДОВ.

СПОРТ ЖУРНАЛИСТЛАРИ ТАЙЁРЛАНАДИ

Вазирлар Маҳкамасининг «Оммавий спорт тарғиботини янада кучайтириш чора-тадбирлари тўғрисида»ги қарори журналистлар зиммасига ҳам қатор вазифаларни юклади.

Қарорда Ўзбекистон телевидениесига спорт

канални очиш, журналистика факультетида таҳсил олаётган талабаларга спорт журналистикасидан махсус назарий ва амалий дарслар ўтиш, шу йўналишда магистратурага талабалар қабул қилиш каби вазифалар кўзда тутилган.

— Вазирлар Маҳкамасининг қарорига жавобан, — дейди Ўзбекистон Миллий университети журналистика факультети декани, доцент Қ. Эрназаров, — 2004 йилнинг январь ойидан факультетимизда махсус ўқув курслари ташкил этиш режалаштирилган. Янги очилаётган спорт телеканалига ҳам талабалар махсус амалиётни ўташ учун жалб этиладилар.

Ғайрат ШЕРАЛИЕВ.



«ЭЛ ДУОСИНИ ОЛГИН, БОЛАМ!»

Ёшим 104 дан ошди. Шу ёшга кирганда, кўзим хиралашди. Узоқни кўролмайдиган, яқиндагини ҳам яхши илғай олмайдиган бўлиб қолдим.

Қизим Қолдиқиз сизни даволатаман деб қўймади. Елиб-югуриб, Тошкентдаги бир дўхтирхонани айтиб келди. Номини ҳам «Шифо-нур»миди-ей? Кўярда-қўймай у ерга олиб борди. Қариган чоғимда шунча азобни менга нима кераги бор, десам, ҳали тузалиб кетасиз, дейди қизим тушмагур.

Бордик, дўхтирлар кўрди. Ай-

ниқса, Равшан исмли йигитнинг кўли энгил экан. Кўзимни ўша операция қилди. Ҳозир бинойидек кўраман.

Сизга хат ёзишдан мақсад, ана шу Равшан Мирҳақимовга миннатдорчилик билдиришдир. Боши омон бўлсин, доимо бола-чақасининг роҳатини кўриб юрсин.

Мартабаси бунданда юқори бўлиб, эл дуосини олаверсин.

Авазхон ДАУЛАТОВА,
Бўка туманидаги Турғун Ражабов номли ширкат хўжалиги.

«ЧАШМА» САБОҚЛАРИ

Баъзида ёшларни энгилтақликда, ҳаётнинг арзимаган синовларига бардош бера олмаслигида айблаймиз. Ҳақиқатда ҳам шундайми? Аслида, уларнинг ноқобил бўлиб улғайишига ўзимиз сабабчи бўлмайпмизми?

Қишлоғимизда ташкил этилган халқ хунармандчилигини ўргатувчи «Чашма» ўқув маркази ёшларни ҳаётга тайёрлаш борасида ўзининг муносиб ҳиссасини қўшиб келяпти.

Марказнинг очилганига ҳали кўп вақт бўлгани йўқ, ammo ҳозиргача 100 дан зиёд сўқоқлик йигит-қизлар каштачилик, кулолчилик, ҳайкалтарошлик, зардўзлик бўйича таҳсил олдилар.

Бу ерда уларга хунармандчиликдан таълим бериш билан бир қаторда маънавият ва маърифат дарслари ҳам уюштирилмоқда. Бунда турли муаммолар ўртага ташланиб, ёшларимиз билан муҳокама қиламиз. Ҳақиқат баҳсларда тугилади деганларидек, хоҳ у оилавий муаммолар бўлсин, хоҳ соҳавий масалалар бўлсин, барига ечим топишга ҳаракат қиламиз ва шу тарика ўз ўқувчиларимизнинг дунёқарашларини кенгайтириб борамиз.

Саодат НУРМАТОВА,

Паркент тумани, Сўқоқ қишлоғидаги «Чашма» ўқув маркази раҳбари.

Сўранг, жавоб берамиз

ГАЗЕТАЛАР СЕНИ НЕЧТА?

?

Мактабда дарс бераман. Машғулот пайтида ўқувчиларимдан бири «республикамизда нечта газета ва журнал ч.п этилади?» деб сўраб қолди. Чиндан ҳам уларнинг сони қанча?

Дилфуза НАБИЕВА, муаллима.

«Оммавий ахборот воситаларига фуқаролар ҳуқуқларини ҳимоя қилиш юзасидан юборилган мурожаатларнинг кўриб чиқилишини такомиллаштириш» мавзусида ўтказилган анжуманда таъкидлани-

шича, республикамизда 813 оммавий ахборот воситаси, жумладан, 562 та газета, 172 та журнал, тўртта ахборот агентлиги, 75 телерадиостудия ва кабель телестудияси фаолият кўрсатмоқда.

СУВНИ ИСРОФ ҚИЛМАНГ

?

Ер сатҳининг асосий қисми сувдан иборат-ку, сув танқислигининг сабаби нимада?

Салимжон ФАЙЗИЕВ, ишчи.

— Бир қарашда, чиндан ҳам, ер юзиде сув танқислиги муаммоси юзага келиши ғайритабиийдек, — дейди вилоят табиати муҳофаза қилиш кўмитаси раиси Турғун Эргашев. — Чунки, сайёрамизнинг 70 фоизи сувликдан иборат. Аммо, умумий сув захирасининг атиги 2,5 фоизи ичши учун яроқли ҳисобланади. Унинг ҳам 69 фоизи муз, 30 фоизи ер остида, қолган бир фоизи эса дарё ва бошқа ерусти сув манбалари кўринишидадир.

Халқаро анжуманларда таъкидланишича, дунёда ҳар олти

кишининг биттаси ичимлик суви танқислигидан азият чекмоқда.

Маълумотларга кўра, 1950 йилдан буён дунёда сув истеъмоли икки баробарга ошган. Дунё бўйича сув истеъмолининг 75 фоизи қишлоқ хўжалиги, 20 фоизи эса саноат ҳисобига тўғри келади. Мутахассисларнинг ҳисоб-китобига кўра, 2020 йилга бориб киши бошига сув таъминоти ҳозирги кўрсаткичга қараганда уч марта камайар экан. Чучук сувни исроф қилмаслик даъват этиб, бонг урилишининг боиси ҳам шу.

КЎМАК САЛМОҒИ КАТТА

?

Ташкилотлар ва шахслар ҳомийлигида қурилаётган мактаблар ҳақида кўп ёзилади. Чиндан ҳам уларнинг салмоғи шунга арзийдими?

Сарвар ҚОСИМОВ, муҳандис.

— Аввало, инсон саховати салмоғини ўлчайдиган мезон йўқ, — дейди вилоят ҳокимлиги ижтимоий масалалар бўйича котибати бош мутахассиси Олег Тожиёв. — Ҳар қандай яхшилик, унинг катта ёки кичиклигидан қатъи назар мақтовга арзийди. Қолаверса, сўнгги йилларда мактаблар қуриш ва уларни замонавий жиҳозлашда ҳомийлар иштироки ҳақиқатда кенгайиб бормоқда. Масалан, 2003 йилда бюджет ҳисобидан 1 минг 70 ўринга мўлжалланган иккита янги

мактаб қуриб фойдаланишга топширилди. Ҳомий ташкилотлар кўмаги билан барпо этилган мактаблар сони эса еттига етди.

Боз устига, таълим муассасаларига ҳомийлар кўмаги шу билан чегараланиб қолаётгани йўқ. Уларнинг ёрдамида бу йил вилоятда 12 замонавий спорт мажмуаси қуриб фойдаланишга топширилди, 38 спорт иншооти, 76 спорт зали таъмирланди. Мактабларга 400 миллион сўмлик спорт анжомлари совға қилинди.

ЯНГИ ҲАВО ЙЎЛИ



Янги йил арафасида "Ўзбекистон ҳаво йўллари" миллий авиакомпанияси самолётлари халқаро қатнов кўламини янада кенгайтди. Япония, Хитой, Малайзия, Таиланд каби Осиё давлатлари қаторига Вьетнам ҳам қўшилди.

Энди пойтахтимиздан кўтарилган ҳаво кемаси етти соатлик масофани ортда қолдириб, қитъамизнинг Жануби-Шарқий минтақасидаги Вьетнамнинг йirik саноат маркази - Хошимин шаҳрига бориб-қайтади.

(ЎЗА).

Bolalik bog'i

НАУКАЛ



Yangi yilda Qorbobo Tarqatdi sovg'a.
Hammani sevintirdi Tugadi g'ovg'a.
Ertasi gupillatib Qor yoqqan mahal,
Qorboboga qo'yishdi Bolalar haykal.

Ne"mat DUSHAYEV.

Ўзбекистон Бадиий академи-
яси Замоновий санъат мар-
казида Миллий томоша санъ-
атимиз тарихига бағишлан-
ган кўргазма очилди.

Унда мусаввирлари-
мизнинг юртимизда
қадим-қадимдан шаклла-

ТОМОША САНЪАТИГА БАҒИШЛАНДИ

ниб келаётган кўғирчоқ
ўйинлари, дорбозлик ва
бошқа халқ томошала-
ридан лавҳалар акс
эттирилган бадиий

асарларига кенг ўрин
берилган.

Кўргазмада турли тарихий
даврларга оид кўғирчоқлар
ва бошқа сахна безаклари


билан ҳам танишиш мум-
кин.

Кўргазма 18 январгача
давом этади.

(ЎЗА).

Митти ҳангомалар

УХЛАТАДИГАН «ДОРИ»



Ким нима деса десину, аммо бизнинг дўхтир-
ларимиз орасида ҳам ўша мақтанчоқ чет элли-
лар олдиға похол тўшаб кетадиган устамонлар
бор. Ишонмасангиз, мана бу воқеаға кулоқ сол-
линг.

Бир кишининг аҳволи оғирлашиб касалхонаға
тушди. Уни операцияға ётқиздилар. Жарроҳлар
ювиниб-чайиниб тахт бўлишди. Энди беморға
наркоз бериш керак. Бироқ, аксига олиб, нар-
козчи дўхтир келавермади.

Шу пайт эшикда Шоймардон деган шумхаёл,
ҳазилкаш дўхтир кўринди. У жарроҳларнинг бир
нарсадан дилгир бўлиб турганини сезиб ичкари
ўтди. Икки оғиз гапдан кейин масалаға тушунди.
Секин беморнинг тепасига борди, энгашиб унинг
кулоғига шивирлади:

— Ёриев, сизни бир йўла учта катта дўхтир
операция қилмоқчи. Ўзингиз тушунасан, улар-
нинг ҳар бирини хурсанд қилиш керак. Сигир-
бузук, дегандай, бордир уйда? Сотасиз-да, тоға?
Жонингиз омон бўлса, мол топилади.

Бемор кўзларини пирпиратди, бир нима де-
моқчи бўлиб тамшанди ва ... ҳушидан кетди.
Шоймардон касбдошларига ўғирилди:

— Ана, текин наркоз! Бир соат ўзига келмай-

ди. Бемалол кесаверинглар.

Ёриевнинг касали кўричак экан, ярим соатға
қолмай бажо қилишди. Бемор кўзини очганда
тепасида Шоймардон илжайиб турарди:

— Ҳазиллашдик, тоға, хафа бўлмайсиз. Бир
сўмингиз керак эмас. Сигир-бузоғингиз ўзингиз-
ға буурсин. Отдай бўлиб кетинг.

ҲУШИНИ ЙИҒИБ ОЛДИ

Янги чиққан бойлардан бири шоҳқўчада «Мер-
седес»-ни учириб кетаётган эди. Шу пайт ён
кўчадан кўхнароқ бир «Волга» чиқди-ю, «Мер-
седес»-нинг йўлини кесиб ўтди. Бу бойваччаға
алам қилди. «Вой, хумпар-ей, ҳали сиз бизнинг
олдимизға тушадиган бўлдингизми?» деб уни
кувиб кетди. Ҳаш-паш дегунча етиб олди. Ма-
шинасини «Волга»-нинг тумшугига тираб қўйди.
Кўлиға катта тош олиб, «ғўдайган машина»-нинг
ойнасини ура кетди. «Волга» пачақ бўлди. Бой-
вачча нафас ростлаб ичкариға мўралади. Қара-
са, кимсан туман прокурорининг ўзи ўтирибди!
Бойваччанинг миясига қон урди. Дар-
ров ҳушини йиғиб олиб, таъзим қил-
ди:

— Ассалому алайкум, ҳўжайин...
Янги йиллари муборак бўлсин! Де-
разангизни тақиллатаман, эшитмай-
ди -



лар. Ўзларига атаб қўйган арзимаган нарсамиз
бор эди, қачон олиб борсак экан, деб сўрамоқ-
чийдик...

Саъдулла СИЁЕВ.

Дейдилар...

ҚИЙИН ТИЛ

Дунёда энг кўп келишиқ қўлланиладиган тил қайси
эканлигини ҳеч ўйлаб кўрганмисиз? Бу — табасаран
тили экан. Бу тилда Доғистондаги Табасаран ва Хивск
туманларининг 73,2 минг аҳолиси гаплашади. Қийин-
лигига келсак, ушбу тилда 44 та келишиқ мавжуд.

Кичкинтойлар мамнун

Янги йил арафасида пойтахтимиздаги барча меҳрибонлик уй-
лари, махсус мактаб-интернатларнинг тиббий кўмакка муҳ-
тож ўқувчилари учун қизиқарли томошалар ўтказилди.

Тошкент шаҳар ҳокимлиги,
"Маҳалла" хайрия жамғармаси
ва "Камолот" ёшлар ижтимоий
ҳаракатининг шаҳар бўлими то-
монидан ташкил этилган бу тад-
бирда болалар учун байрам да-
стурхони ёзилиб, турли совғалар
— кийим-кечак, ўқув қуроллари,

китоблар топширилаётир.

Республика Кўғирчоқ театри
ҳамда Ёш томошабинлар теат-
ри, ёш эстрада юлдузлари иш-
тирокидаги мусиқий шоу-дастур
байрамға алоҳида шавқ-завқ
бахш этди.

ЎЗА муҳбири.

Кулганга
НИМА
ЎТСИН!

Навбатда турган аёл сумка
кўтарган харидорға бақираёт-
ган сотувчини кўрсатиб, сўра-
ди:

— Анови сотувчи жуда сур-
бет эканми, онаси тенги хо-
тинга бақиряпти-я!

— Сотувчи — ўша кампир-
нинг келини, айланай, уйда

уришиб ўрганиб қолган-да!

— Ойижон, юрадиган йиги-
тим: «Агар менга турмушға чиқ-
масангиз, ўзимни газ қувуриға
осиб қўяман», деяпти!

— Сира кўркма, қизим, киш-
логимизға газ келишиға ҳали ўн
қовун пишиғи бор.



А. ҲАКИМОВ чизган расм.

ТОШКЕНТ ҲАҚИҚАТИ ТАШМЕНТСКИЙ ПРАВДА	Муассис ТОШКЕНТ ВИЛОЯТИ ҲОКИМЛИГИ	Бош муҳаррир Фатҳиддин МУҲИДДИНОВ	Телефонлар: Хатлар ва оммавий ишлар бўлими: 133-40-48. Эълонлар: 133-70-10, 136-53-54.	Манзилимиз: 700000, Тошкент шаҳри, Матбуотчилар кўчаси, 32.	Тошкент вилояти ҳокимлиги ҳузурдаги Матбуот ва ахборот бошқармасида 03-001 рақами билан рўйхатта олинган. Газета «Тошкент ҳақиқати» тахририяти компьютер марказида терилди ва саҳифаланди.	● Эълон ва билдирув- лардаги факт ҳамда далил- ларнинг тўғрилиги учун реклама ва эълон берув- чилар масъулдир.
---	---	--	---	---	---	--